

THREE STARS – THREE GENERATIONS

María Mačošková • Anna Servíčková • Andrea Sikorjaková
Live in Concert at the 7th World Congress of Rusyns

ТРИ ЗВІЗДИ – ТРИ ГЕНЕРАЦІЇ TRY ZVIZDY – TRY GENERACIJE
Живий концерт Žyvyj koncert
на 7. Світовому конгресі Русинів на 7. Svetovim kongresu Rusyniv



Спонсор: Norstone Financial Corporation, Steven W. Chera, President

КРАСНЫЙ ДАРУНОК ПРО КАЖДОГО...

... у формі компактного диску мож тепер купити за 280 Ск у нашій редакції. Новый компактний диск під назвою **ТРИ ЗВІЗДИ – ТРИ ГЕНЕРАЦІЇ** видав Світовий конгрес Русинів із центром у Пряшові а цілий проект фінансовав Norstone Financial Corporation, Steven W. Chera, President. Іде о зазнам живого концерту, котрый був у рамках главного культурного програму 7. Світового конгресу Русинів у Театрі А. Духновича в Пряшові 7. юна 2003 року і в котрім выступили главны протагоністки, інтерпреткы русиньскых народных співанок – **Марія Мачошкова, Анна Сервічка і Андреа Сікорякова** і їх гости: **Анна Шутякова-Порачова, Анна Барнова, Анна Мругова і співацькы групи ДФК Шаріш Мілк Агро і ФК Шарішан** з Пряшова. На концерті музично їх спроваждала **Народна капела ФК Шаріш** а з властным текстом конференсьер **Ярослав Сисак**. Інтегралнов частів нового видана є і 50-сторінковий буклет-зборничок із нотами і текстами 26 співанок. Ноты і тексти записав **Мілан Гарбера**. Тексты вшиткых співанок суть ту уведжены по русиньскы азбуков і латиников, як і в перекладі до англійського языка **Зузаны Звірінської, Павла Роберта Магочія** (так істо автор концепції концерту) і **Штефана Чепы**. Також по студійовій награвці, котра перед конгресом у 2003 році вышла на ЦД і МГ пасці (тоту тьж мож іщі у нас купити за половину попередній ціны – 60 Ск), перед недавными рождественными святами вышов ЦД із живим концертом, котрый все є добрым дарунком про вшиткых любителів русиньскых народных співанок. – аз –

Чудный світ

– Сусіде Миколаю, та што говорите на тото вшитко, што ся днесь діє на тім світі?

– А што бы ся мало діти? Подля мене, нич. Люде жыють і умерают так, як фурт. Крадут і выдумуют вшелякы злодійства одколи лем світ світом стоить. Но а ку тому іщі прийде дяка природна катастрофа, та й маєме такий інтересный живот една радость...

СУСІДСЬКІ ДЕБАТЫ

– Ова, сусіде, добрі бісідуете, лем собі не усвідомлюете, же тото, што ся

днесь з народом і меджі народом на світі діє, уж перекочує можны граніці.

– Но лем не повіджете, же то є нормалне, кедь, наприклад, в єднім двадцятьтисячовім містечку за єден тыждень поховають десять люде в найкрасшій віці живота? Же самы старенькы люде по наших селах ся боять жыти у своїх хыжах, котры так тяжко колись ставляля, бо ім грозить перепад, окраджія, а нераз і забитя злодіями?

– Хотите повісти, же іме днесь тоты найздоровшы продукты? Чорта старого! Выбудованыи самыи маркет, Теско, Білла, Бала, Лідл і фрас знає, які іщі склепы, ні... реґалы ся в тых skleпах прогынають од множества заграничного товару. Але многораз, як уж тото вшитко покупили і поїме, та нам, через телевизор повідять, же мусили, наприклад, мед, буёны, каву, червену паприку і много іншого стягнути із тых супермодерных skleпів, бо пришли на то, же суть затровлены даяков отровов.

– А што мы, біднята, уж можеме зробити, кедь сьме тото вшитко сконзумовали, ай із своіма діточками? Та ся не чудуйте, же падаме з ніг, як мухы.

– Но, сусіде, аж теперь виджу, же мате правду. Ани бы ня не напало так глубоко ся над тым задумовати. Жыю, та й жыю собі на тім світі так, як Бог приказав і не усводомлюю собі, же сьме чім дале, тым веце обколесены тільков підлостієв, нечесностів і людьскове злобов.

– Так, так, сусіде, людська ненависть і тужба штонайскоріше і найвеце ся обогатити, єден на укор другого, веде народ ку злобі і ку тому найпідлішому, а то ку убиваню єден другого. Але што є на тім найвеце боляче, то є продаваня і убиваня невинных дітей, в многих припадах і такых, што іщі порядно на тім світі не жыли.

– Та такий є, сусіде, днесь світ, і такы сьме мы, люде.

– Чей дасть Бог, же ся народ на світі спамятать і усвідомить собі хыбы, яких ся допущать, бо кедь ні, та то меджі нами не скінчїть добрі, вірьте мі!

– Так то, так. Бо хотіли быти слободными, богатыма і спокійными, але то іщі не значить, же ся будеме нападати і убивати, же будеме нищити єден другого. Тадь не є то по Божому. Бо Ісус Христос не зато терпів і вмер на хресті, жебы сьме тот світ на земли робили такым злым.

Марія ГІРОВА, Снина

ЛІТЕРАТУРНА ДУГА

Під таков назвов зачінаме літературну рубріку наших русиньскых писателів, які пишуть поезію, прозу і інші жанры. Свій літературный світ, творчу кухню мають можность роскрыти в Літературній дузі. Короткы повіданя, ціклы поезій, байкы, пословиці і жанры літературознавого характеру, наприклад, рецензії, літературны роздумы і под. можуть найти місце на єй сторінках.

Дуга – то одраз сонця в дождовый час. Має вшелякы фарбы, як і наш жывот. Літературна дуга – то одраз жывота літературы, русиньской музы. Є про каждого, хто знає прияти і распознати єй фарбы.

Наш знамый поет Николай ГВОЗДА з Ладомировой (79) до нового року вступив з новыма поезіями. Він од щірого сердца нукать свої поетичны фарбы і нима хоче засягнути найпотаємнішы куткы сердца наших читателів. Проявлять ся як ніжный лірик, як документаріста doby, але і як поет, што має змысел і про гумор. Каждый з нижепублікованых ёго творів понукує своє. Своє сі треба і взяти. І хоць то буде лем мала цяпка, кедь ословить душу, зробить велике діло.

Марія МАЛЬЦОВСКА

3 ціклы поезій Николая ГВОЗДЫ

Дожыч же ім, Боже,
До того вкročити,
Як то стары, бідны
Тяжко мусять жыти.

Пришло спаня на місячка,
Зачінав хавкати,
Зорнічка му постелила
Час уж ёму спати.

ЗО ЖЫВОТА – ПЕКЛО

Ту Ладомирова,
Наблизку Ваґринець,
Уж з нашого села
Остав старобинець.

НЕБЕСНЫ ТІЛЕСА

Неєден сі роздумує
Што ся в світі робить?
Кажде рано од Выходу
Сонічко выходить.

Як заспавав, она ёму
Красный сон жычила,
Аж над раном та зорнічка
З ним ся розлучила.

Молоды по світі
Глядають роботу,
А стары остали
На велику псоту.

Не все є так тепле,
Може невыспате,
Звыкли люде повідати
Яке є зубате.

БАБКА НА СПОВІДІ

Тото, што я ту напишу
Може пред Богом не соґришу,
Хотіла ся сповідати
А побожность дотримати.

На свою старобу
Помалы звыкають,
Як прийде хворота,
Тяжко прежывають.

Звечера роса падала,
Вночі бурька была,
Чорна хмара тепле сонце
Цалком го закрыла.

„Я, грішна“ – зачне гварити
і щіро ся помолить,
Піп ей шепче так потихы:
„Повідайте свої гріхы“.

Котра душа здрава?
Скоро каждая хвора,
Заплать сі санітку,
Кедь хочеш дохтора.

Уж ся хмары росходили,
Вітры їх погналы,
Тогды ясны лучи сонця
Теплы указали.

Бабка клячїть, роздумує
Піп сі думать, же не чує,
„Вы слухате, ці сьте глухы?
Повіджете, ці не сьте скупы.“

А як тя охаблять
В шпыталю лежати,
За тот каждый день
Мусиш „зацвакати“.

Ай місячок споза горы
Звечера выходяць,
Він зорнічку за рученьку
Як миленьку водить.

Сповідь пришла на бісїду
„Веце ку вам на сповідь не піду,
Хто хце людеи сповідати,
Перше мать од себе зачати.“

Помож, Боже, старым
Бідный вік прожыти,
Лікы барз дорогы
Нім з чого платити.

Та зорнічка з місяченьком
Цілу ніч світила,
Она, ёго вірна дружка,
Го не охабила.

Я ся пришла сповідати
І пред Богом покаяти,
Повіла єм му так шумні
Служте Богу, не мамоні.“

Были часы добры
А мы не вірили,
Были сьме молоды,
Скоро постаріли.

Они ведно ся бродили
Помеджі звїздочки,
Якбы мамка, він їх нянько
А звїзды діточкы.

Віра к Богу холодніє,
Чловек за грошами мліє,
Юда грош за Хріста просіє,
Зо вшиткого ся обісїє.

Лем Божы законы
Тоты справедливы,
А тых земскых творців –
Фалошны і кривы.

Вшиткы звїзды уж погаслы,
Зорнічка остала,
Бо то она з тым місячком
Ночну службу мала.

Што є Боже, то му дайме,
Але чорта не гнівайме,
То є правда, жадны сміхы
Піп не возьме од вас гріхы.

КАРПАТОРУСИНЬСЬКИЙ НАУЧНЫЙ ЦЕНТЕР У США

выголошує каждорічну

Премію Александра Духновича
за русиньску літературу од Штефана Чепы

Премія в сумі тисяч америцькых доларів буде дана за найліпшу книжку поезії ці прозы написану по русиньскы, котра была надрукована за послідній 5-річний період. Премія є фінансована Штефаном Чепом із Торонта в Канаді а дає ю Карпаторусиньський научный центр із америцькой Окалы.

Премія А. Духновича помагать хоснованю русиньского языка у творах, котры приносять выznamный вклад до русиньской літературы. Книжки красной літературы надрукованы в часі од 1999 до 2004 року мають право на премію в 2005 році. Авторам або видавателям треба предложити 3 екземпларі каждой книжки з коротков біографієв.

1. апріль 2005 буде подліднім днём на засланя вшиткых матеріалів. **Тоты треба послати на адресы: 2 екземпларі – Prof. Elaine Rusinko, Department of Modern Languages and Linguistics, UMBC, Baltimore, MD 21250, USA (e-mail: rusinko@umbc.edu)**

1 екземпларь – Doc. PhDr. Vasil' Choma, Olivova 13, 831 01 Bratislava, SR

НАРОДНІ
НОВИНКИ

Выдавать Русин і Народны новинкы – фінансово-помочев-Міністерства культуры – СР. Шефредактор: Александр ЗОЗУЛЯК, заступкыня шефредактора: Анна ПЛІШКОВА, редакторкы: Кветослава КОПОРОВА, Марія МАЛЬЦОВСКА. Adresa: Rusin a Ludové noviny, Duchnovičovo nám. 1, 081 48 Prešov, SR. Тел.: 051/77 25 629, факс: 77 33 201. Передплатне на рік 250,- Ск, до сусідніх штатів – 600,- Ск, до загранича поштов ІІ. кл. 35 УСД, поштов І. кл. 43 УСД, заплатити мож і в редакції. Выроба: ДАТАПРЕСС у Пряшові. Регістрацне ч. МК SR 417/91, МІС 49 438. Опублікованы погляды дописователів не мусять быти згодні з поглядами редакції. Адреса новинок на интернеті – <http://narodny-novynky.presov.sk>, E-mail: rusyn@nextra.sk



Rusin a Ludové noviny
Duchnovičovo nám. 1
081 48 Prešov 1
PLZ
VsRP - 664/2003

Platené v hotovosti
080 02 PREŠOV 2